

РУХАНИ ЖАҢҒЫРУ - ҰЛТТЫҚ ЖАҢҒЫРУ



Рухани жаңғыру
– халқымыздың
салт-санасы мен
дүниетанымын өзгертетін
қозғаушы күш. Ұлттық
құндылықтарымызды
ұмытпай, жаһандық
жаңашылдыққа
жетелейтін жол.

Елбасы Н.Ә. Назарбаев-
тың «Болашаққа бағдар:
рухани жаңғыру» ма-
қаласын ықыласпен
түйсіне оқуымыз
керек. Олай дейтінім,
мақаладағы «Ұлттық салт-
дәстүрлеріміз, тіліміз бен
әдебиетіміз, музыкамыз,
жоралғыларымыз, бір
сөзбен айтқанда, ұлттық
рухымыз бойымызда
мәңгі қалуға тиіс» деген
жолдардың астарында
үлкен мағына жатыр.

Шынында рухы биік
азаматтары бар елдің іргесі
мәңгілік болары хақ.

Біз – ұлан-ғайыр жері
мен аса бай рухани
тарихы бар елміз. Біз
жаңғыру жолында
бабалардан мирас болып,
қанымызға сіңген, бүгінде
тамырымызда бүлкілдеп
жатқан ізгі қасиеттерді
қайта түлетуіміз керек.

Қазіргі міндет –
халқымыздың жаңа
болмысын қалыптастыру,
тұтас ұлт сапасын арттыру.
Адамды және қоғамды
уақыт талабына сай
жетілдіру қажеттігін өмірдің
өзі көрсетіп отыр. Жаңарған
ұлт қана жаңырған елдің
жетістігін жаһан жұртына
таныта алады. Ұлтымыз
жаңа сапаға көшуі үшін
біздің күнделікті өмірлік

ұстанымдарымыз да
өзгеруі керек. Қазақ
қоғамында жаңа қағидаттар
және жаңа бағдарлар
салтанат құруға тиіс.

Ұлт ұстазы Ахмет
Байтұрсынұлы: «Білімді
болуға оқу керек. Бай
болуға кәсіп керек. Күшті
болуға бірлік керек.
Осы керектердің жолын-
да жұмыс істеу керек», -
дейді.

Бұл көзқарас бүгінгі
күні өте маңызды. ХХІ
ғасырдың ұрпағы терең
білімді болғаны жөн.
Жас буынды ерінбей
еңбек етуге бейімдеу,
темірдей тәртіп және
жоғары жауапкершілікке,
адалдықа, ұқыптылыққа
тәрбиелеу керек. Біз сонда
ғана бәсекеге қабілетті
мемелкет, зияткер ұлт бола
аламыз.

Баршамыз өз-өзімізді
дамытуға күш салуымыз
қажет. Заман сынағы бізден
үздіксіз қозғалысты, мықты
күш-жігерді және табанды
еңбекті талап етіп отыр.

**А.НУРИДИНОВА,
Ұ.ТӨЖІБАЕВА,
М.Әуезов атындағы
ОҚУ, «Стандарттау
және сертификаттау»
кафедрасының
оқытушылары.**